

¡BOMBA!

Que bonita vecindad es la de Estados Unidos: dos candidatas perdidos entre la cárcel y la edad



K'UINTSIL

Edición de fin de semana, del viernes 28 al domingo 30 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2265 · www.lajornadamaya.mx

JMÁAS, JUNTÚUL CHAN BA'AL KU MULTIK SU'UK



Leti'obe' ku yila'alo'ob beey mejen ba'alche'ob ku multik su'uk, ts'ookole' ma' ya'ab ba'ax jaantiki', chéen muuch. U K'aaba' ich kaastelan t'aane', grillo topo wa perrito de agua.

Ooxp'eel u jejeláasil le jmáaso'oba' oksa'ab tu noojol-lak'inil Estados Unidos, tu ja'abil 1900, ts'ooke' ya'abach ba'al u beetmaj ti' xiiwo'ob, ikil u multiko'ob. Ichil le

je'elo'obo', ti' yaan le chan jmáasa'. U sintifikoil K'aaba'e' Neoscapteriscus abbreviatus.

"U K'abjmáaso'ob beya' nuuktak, ts'ooke' ku K'a'abéetkunsik ti'al u páanik lu'um", tu tsolaj Jacqueline May Díaz, máax beetik u K'a'aytajilo'ob u múuch'kabil Desarrollo y Medio Ambiente, A.C.

Tu tsikbaltaje' le mejen

ba'alche'oba' yaan u mejen daaktilóo, beey ba'alo'ob ku xooto'obe', ts'ooke' le beyka'aj yaan ti'ob yéetel bix yaniko'obe' ku meyaj ti'al u yila'al máakalmáak u jejeláasili'.

"U mejen tiitich' baakele' maas chan kóom ti' u wíinkilal. Ts'ooke' u xiibile', kéen áak'abchajake' ku k'aayik u

xch'uupulil ti'al u náats'al ti'".

J-áambientalista Gustavo Jiménez Ruiz tu ya'alaje', kex tumen ku multiko'ob su'uke', le jmáaso'oba' ku jaantik'ob xiiwo'ob ba'ale' beyxan mejen ba'alche'ob. "U chan jmáasil noojole' ku jaantik uláak' ik'elo'ob, ka'alikil u jaatsil topo leonadoe' ku jaantik xiiwo'ob".